



# Vaziyat

2023 йил  
24 август  
№ 34 (923)



Ўзбекистон Республикаси Фавқулодда вазиятлар вазирлиги нашри ○

Газета 2004 йил 7 майдан чиқа бошлаган

## МАЛАКА ВА МАҲОРАТ СИНОВИ



Фавқулодда вазиятлар вазири генерал-майор А.Қўлдошев раҳбарлигида Бухоро вилоятида “2023-2024 йиллар куз-қиш мавсумига тайёргарлик кўриш, уни беталафот ўтказиш, энергетика ҳамда газ тизимининг барқарор ишлашини таъминлаш, аҳоли ва иқтисодиёт тармоқларига электр энергияси ва газ ресурсларини етказиб беришда содир бўлиши мумкин бўлган фавқулодда вазиятларнинг олдини олиш” мавзусида қўмондонлик-штаб ўқув машқи бўлиб ўтди.

Ўқув машқи 10 та объектда 22 та ўқув нуқтасида ташкил этилди. Машғулот режасига кўра, қатор объектларда ёнгин ва бошқа тусдаги фавқулодда вазиятларнинг олдини олиш, содир бўлганда оқибатларини бартараф этиш, ишчи-ходимларни хавфсиз ҳудудларга эвакуация қилиш, жабрланганларни қутқариш, уларга тез тиббий ёрдам кўрсатиш билан боғлиқ ҳаракатлар амалга оширилди.

Машқ давомида аниқланган камчиликларга алоҳида тўхталиб ўтилиб, мутасаддиларга мазкур камчиликларни бартараф этиш, 2023-2024 йиллар куз-қиш мавсумига пухта тайёргарлик кўриш билан боғлиқ тадбирларни изчил ташкил қилиш юзасидан зарур кўрсатма ва тавсиялар берилди.

ФВВ матбуот хизмати

## ИСЛОҲОТ ЙЎЛИДА: МАРКАЗ 6 ЁШДА

Дунёда ҳар йили табиий офатлар инсонларга беҳисоб моддий зарар келтиради. Табиий офатлар ичида энг хавфлиси ер силкиниши ҳисобланади.

Ер шарида содир бўлган кучли ер силкинишлари оқибати, айниқса, давлатларнинг иқтисодий, ижтимоий, қурилиш ва инфратузилма фаолиятига салбий таъсир кўрсатади.

Ўзбекистон Республикаси ҳам сейсмик фаол ҳудудда жойлашган бўлиб, ҳар куни кучсиз zilzilalar қайд этилди. Шунинг учун zilzila билан боғлиқ фавқулодда вазиятлар даврида аҳоли ва ҳудудларни сейсмик хавфдан ҳимоя қилиш, бу борада кадрлар тайёрлаш тизимини янада такомиллаштириш сейсмология соҳасидаги илмий-тадқиқот ишларини жаҳон талаблари даражасида олиб боришни тақозо этади.

Шу муносабат билан Ўзбекистон ва унга чегарадош ҳудудларда, шунингдек, табиий ва техноген хавфли ҳудудларда сейсмик хавфсизлик бўйича мониторингни ташкил этиш, содир бўлган кучли zilzilalar тўғрисида аҳоли ва юқори давлат

органларини ўз вақтида хабардор қилиш тизимини шакллантириш мақсадида, Ўзбекистон Республикаси Президентининг 2017 йил 1 июндаги фармонида мувофиқ Фавқулодда вазиятлар вазирлиги таркибида Сейсмопрогностик мониторинг Республика маркази ташкил этилди.

Жорий йилда марказ фаолиятига 6 йил тўлди. Ўтган йиллар мобайнида марказ раҳбарияти ва шахсий таркиби томонидан соҳа йўналишларида кўплаб самарали ишлар амалга оширилди.

Жумладан, Марказнинг моддий-техник базасини янгилаш ва уни жаҳон талаблари асосида жиҳозлаш, сейсмик ва комплекс-прогностик станцияларни



модернизация қилиш мақсадида, Ўзбекистон Республикаси Президентининг қарорига мувофиқ соҳа йўналишига доир замонавий асбоб-ускуналар харид қилинди. Сейсмик станциялар жаҳон талабларига мос тарзда замонавий асбоб-ускуналар билан жиҳозланди. Кузатувлар тармоғи интернет тизимига уланиб, онлайн режимга ўтказилди.

Шунингдек, сейсмикликни мониторинг қилиш бўйича жаҳоннинг ривожланган давлатлари билан ўзаро илмий-техник ҳамкорлик ишлари йўлга қўйилди. Ҳозирги кунда Россия Федерацияси,

АҚШ, Қозоғистон ва Тожикистон каби мамлакатлар билан сейсмик хавфсизлик юзасидан ҳамкорлик алоқалари олиб борилмоқда.

Бунга Фавқулодда вазиятлар вазирлиги Сейсмопрогностик мониторинг Республика маркази ва АҚШнинг Сан-Диего шаҳри Калифорния университети қошидаги геофизика ва планетар физика институти ўртасида zilzilalarни мониторинг қилиш бўйича ўзаро илмий-техник ҳамкорлик қилиш юзасидан 2020 йил 15 октябрда келишув имзолангани яққол мисолдир. Келишув доирасида ўтган йиллар давомида Ўз-

бекистонга АҚШнинг Калифорния ва Мичиган штати университетининг малакали тадқиқотчи олимлари Р.Меллорс, К.Мекки ва Д.Берклар ташриф буюрди. Ташриф давомида томонлар Битим доирасида амалга оширилаётган ишлар ҳамда истиқболли режалар юзасидан қизгин муҳокамалар қилишди. Деярли 3 йиллик ҳамкорлик натижасида, жорий йилнинг 3 май куни Ўзбекистоннинг Жиззах вилояти ҳудудида жойлашган “Қорасой” номли илк қўшма сейсмик станцияси ишга туширилди.

(Давоми 2-бетда)

Ўзбекистон Республикаси Ҳарбий прокуратураси ташаббуси билан Миллий гвардия Қўриқлаш Бош бошқармаси Тошкент шаҳар Қўриқлаш бошқармаси ҳамкорлигида “Янги ҳаёт учун, Янги Ўзбекистон учун!” шиори остида “Маънавий юксалиш – ёрқин келажак асоси” мавзусида комплекс тадбир ташкил этилди.

## ЁРҚИН КЕЛАЖАК АСОСИ



Тўртта секциядан иборат бу тадбир “Уч авлод учрашуви” билан бошланди. Унда Ҳарбий прокуратура ва Қўриқлаш бош бошқармаси фахрийлари ўз ҳаётий тажрибалари асосида сўзлаб берган хотиралари қатнашчилар, айниқса, ёшлар қалбидаги ватанпарварлик, ҳалоллик, садоқат ва фидойилик туйғулари тўлқинлантириб юборганлиги уларнинг шундоқ юз-кўзларида акс этди.

“Маънавий салоҳиятни оширишда китобхонликнинг ўрни” мавзусидаги тадбирда китобхонликни кенг тарғиб этиш, мутолаа маданиятини ошириш, аҳолининг, айниқса, ёшлар ва ходимларнинг китобга муҳаббатини янада юксалтириш мақсадида, Ўзбекистон Республикаси Ҳарбий прокуратураси ва Тошкент шаҳар қўриқлаш бошқармаси ҳамкорлигида махсус тайёрланган “Китоб – юксалиш асоси” номли видеоро-

лик намойиш этилди.

Тадбирлар юқори натижаларга эришган ходимлар ва уларнинг ота-оналарини тақдирлаш маросими, Ватанга муҳаббат ва садоқатни тараннум этувчи куй-қўшиқлар ва шеърхонликка уланиб кетди.

“Китоб ярмаркаси”-да адабиёт, ҳуқуқ, сиёсат каби турли соҳалардаги нашрлар ва бошқа адабиётлар ташрифи бўйичан эътиборига ҳавола этилди. Ҳарбий хизматчилар, ходимлар ҳамда ёшлар ўзлари излаган ва яқинлари қизиққан китобларни арзон нархларда харид қилишди.

Тадбир якунида мурожаат билан келган фуқаролар ва қўриқлаш хизмати ходимлари тингланиб, уларга қонунчилик доирасида ҳуқуқий тунтиришлар берилди.

**Ойбек ЮЛЬБАРСОВ,**  
Ўзбекистон Республикаси Ҳарбий прокуратураси бўлим бошлиғи, адлия подполковниги.

## ИСЛОҲОТ ЙЎЛИДА: МАРКАЗ 6 ЁШДА



(Давоми. Бошланиши 1-бетда)

Мазкур станция АҚШ глобал сейсмик тармоғининг бир қисми сифатида АҚШ ҳукумати томонидан молиялаштирилди.

Бундан ташқари, Марказ ходимлари Молдова, Россия Федерацияси ва Қозоғистон сингари давлатларда малака ошириш ўқув курсларида ва семинарларда фаол иштирок этдилар.

Хусусан, 2019 йил 9-13 сентябрь кунлари Молдовада

ҳамда 2021 йилнинг сентябрь ойида Россия Федерациясининг Новосибирск шаҳрида бўлиб ўтган “Сейсмологик маълумотларни қайта ишлаш ва изоҳлашнинг замонавий усуллари” мавзусига бағишланган XIV-XV халқаро конференцияда Сейсмопрогностик мониторинг Республика маркази бошлиғи Қ.Қўчқоров ва “Тошкент” сейсмик станцияси бошлиғи И.Арипов ҳамда соҳа вакили С.Набиевлар фаол иштирок этдилар. Шунингдек, ушбу семинарда АҚШ, Россия, Қирғи-

зистон ва Тожикистоннинг сейсмология соҳасида фаолият кўрсатаётган тажрибали мутахассислари қатнашдилар. Семинар доирасида иштирокчи давлатлар томонидан замонавий сейсмологиянинг долзарб муаммолари бўйича илмий мунозаралар ўтказилиши манфаатли ҳамкорликларга пойдевор бўлади.

Дарҳақиқат, Ўзбекистон Республикаси Мустақиллигининг қутлуғ 32 ёшини қарши олиш арафасида Марказ фаолиятининг ташкил этилганлигига 6 йил тўлиши ташкилот ходимлари учун қўшалоқ байрам, албатта. Қисқа йиллар сарҳисоби шуни кўрсатадики, соҳа йўналишида эришилган ютуқлар яқин келажакда ижобий натижалар беради ва улкан зафарларга пойдевор бўлиши шубҳасиздир.

**Ф.УМАРАЛИЕВА,**  
ФВВ Сейсмопрогностик мониторинг Республика маркази муҳандиси.



## МУРОЖААТЛАР ЕЧИМИ

Халқ билан тўғридан-тўғри мулоқот, одамларнинг дарду ташвишлари билан яшаш ва уларни рози қилиш бугун ҳар биримизнинг олдимизда турган устувор вазифа ҳисобланади. Бу борада ҳарбий прокуратура органлари томонидан ҳам амалий ишлар давом эттирилмоқда.

Қуролли Кучлар тизимидаги вазирлик ва идоралар билан ҳамкорликда Сирдарё вилоятида ўтказилган оммавий сайёр қабул бу борадаги тадбирларнинг мантиқий давоми бўлди. Унда 350 нафар-

га яқин ҳарбийлар, уларнинг оила аъзолари ва фуқаролар қатнашди.

Жараёнда Бош прокурор ўринбосари — Ўзбекистон Республикаси Ҳарбий прокурори Б.Қудратхўжаев кел-

ганларнинг мурожаатларини тинглади.

Мулоқотларда 118 та мурожаат келиб тушди, шундан 25 таси жойида ҳал этилди, 48 таси бўйича ҳуқуқий тунтириш берилди, ўрганиш ва муддат талаб этиладиган 45 та мурожаат назоратга олинган ҳолда мутасадди ташкилотларга юборилди.

**Шомирза ҚЎЛДОШЕВ,**  
Гулистон ҳарбий прокурори ёрдамчиси, адлия катта лейтенанти.



## KORRUPSIYAVIY HOLATLARDAN OGOH BO'LING!

Surxondaryo viloyati Favqulodda vaziyatlar boshqarmasida Termiz harbiy prokuraturasi, viloyat IIB YHXB mas'ul xodimlari tomonidan jinoyatchilik va huquqbuzarliklarni oldini olish hamda yo'l harakati xavfsizligi qoidalariga amal qiling mavzularida profilaktik tadbir o'tkazildi.

Uchrashuv davomida, mas'ul xodimlar tomonidan, harbiy xizmatchilarning huquqiy madaniyatini yuksaltirish, huquqbuzarlik va jinoyatchiliklar,

yo'l-transport hodisalari, ichkilikbozlik bilan bog'liq qonun buzilish holatlari, hamda korruption holatlarni sodir etmaslik to'g'risida tushuntirish ishlari olib borildi. Shuningdek mas'ullar tomonidan Surxondaryo viloyati Favqulodda vaziyatlar boshqarmasi harbiy xizmatchilarning shaxsiy hamda xizmatda biriktirilgan transport vositalari hujjatlari va texnik holati tekshirildi.

**ФВВ матбуот хизмати**



## MUHIIM MAVZU

Qashqadaryo viloyati hokimligi va viloyat FVB hamkorligida kuz-qish mavsumiga puxta tayyorgarlik ko'rish, oldindan bajarilishi lozim bo'lgan muhim masalalar, mavsumda sodir bo'lishi mumkin bo'lgan favqulodda vaziyatlarning oldini olishga bag'ishlangan tezkor yig'ilish bo'lib o'tdi.



Viloyat hokimi o'rinbosari M.Azizov va sektor rahbarlari raisligida o'tkazilgan yig'ilish davomida rahbarlar tomonidan joylarda amalga oshirilayotgan ishlar muhokama qilinib, iqtisodiyot tarmoqlari, ijtimoiy soha obyektlarini kuz-qish mavsumida barqaror ishlashga tayyorlash, iste'molchilarni elektr energiyasi, tabiiy va suyultirilgan gaz, ko'mir mahsulotlari bilan uzluksiz ta'minlash, mavjud kamchiliklarni bartaraf qilish holati tahlil qilindi.

**Farhod MIRZAYEV,**  
Qashqadaryo viloyati FVB boshlig'i,  
polkovnik.

Деҳқонобод тумани ҳокими — Фуқаро муҳофазаси бошлиғи Зоир Алиқулов бошчилигида ҳокимлик мажлислар залида фавқулодда вазиятларнинг олдини олиш бўйича туман комиссиясининг навбатдаги йиғилиши бўлиб ўтди.

## КОМИССИЯ МАЖЛИСИ

Йиғилиш давомида 2023 йил куз-қиш мавсумида носоз маиший газ баллонларидан фойдаланиш, тоғ олди ва тоғли ҳудудларда сел-сув тошқинларини беталафот ўтказиш, пиеда ҳамда техникалар ҳаракатини барқарорлаштириш, назорат-кузатув постлари фаолиятини жадаллаштириш, ички йўлларда сув тўпланиши ва ҳаракат хавфсизлигини таъминлашда куч ва воситалар шайлигини таъминлаш ва яна қатор вазифалар юзасидан мутасадди идора ва хизматларга топшириқлар берилди.

Мажлис якунида галдаги вазифалар юзасидан ўзаро келишиб олинди.

**Ўткирбек ЮЛДАШЕВ,**  
Деҳқонобод тумани ФВ  
бўлими бўлинма бошлиғи,  
майор.

Ўзбекистон Республикаси Жамоат хавфсизлиги университети курсанти Ж.Орзиқулов ФВВ Бошланғич тайёргарлик ва малака ошириш марказида бўлиб, марказда бошланғич ва малака ошириш тайёргарликдан ўтаётган тингловчиларга Жамоат хавфсизлиги университетига ўқишга кириш тартиби, яратилган шарт-шароитлар, фан, инновацион ривожланиш ва ўқитиш методикаси, ўқув жараёнини ташкил этиш, курсантларнинг билимларини назорат қилиш шакллари белгилаб берувчи норматив ҳужжатлар, ўтиладиган фанлар юзасидан давра суҳбати ўтказди.

## ДАВРА СУҲБАТИ



Давра суҳбатида мутахассисларнинг ўз фаолиятига онгли ёндашувини шакллантириш, уларнинг шахсий масъулият ва ташаббускорлик фазилатларини кучайтириш, Жамоат хавфсизлиги университетининг асосий мақсад ва вазифалари,

ҳалқаро ҳамкорликда олиб борилган ислохотлар тўғрисида тингловчиларга маълумотлар берилди.

**Ж.САИДОВ,**  
ФВВ БТ ва МОМ цикл ўқитувчиси,  
подполковник.



Toshkent viloyati Bekobod shahridagi davlat ko'magiga muhtoj yoshlar bilan FVV Muhandislik muhofaza va qurilish-tiklash ishlari bosh boshqarmasi boshlig'i polkovnik N.Saidov ishtirokida uchrashuv tashkil etildi.

## YOSHLARGA E'TIBOR

N.Saidov yoshlar bilan aniq va manzilli ishlar tashkil etish, ularning ijtimoiy ahvoli, qobiliyati va qiziqishlarini o'rganish maqsadida ular istiqomat qilayotgan xonadonlarida bo'ldi.

Uchrashuv chog'ida 2-guruh nogironi D.Xodjibayevaga kir

yuvish mashinasi, Y.Xolmirzayevaga oilaviy tadbirkorlik bilan shug'ullanishi uchun tikuv mashinasi sovg'a qilindi.

**I.KAJANOV,**  
Tarbiyaviy va mafkuraviy ishlar bo'limi  
katta texnigi, oddiy askar.

## ТАДБИРЛАР ДАВОМ ЭТМОҚДА

Куз-қиш мавсуми яқинлашиши билан об-ҳаво ҳароратининг пасайиши кузатилади. Албатта, бундай вақтда аҳолининг электр ва бошқа турли хилдаги иситиш мосламаларидан фойдаланишга эҳтиёжи ортади.



Мавсумни беталафот ўтказиш мақсадида, Фавқулодда вазиятлар вазирлиги тизими ходимлари томонидан мутасадди ташкилот ва корхоналар билан

ҳамкорликда профилактик тадбирлар ўтказилмоқда. Тадбирлар доирасида ижтимоий соҳа, ишлаб чиқариш объектлари, аҳоли яшаш хона-

донлари ва бошқа тармоқларда ишчи-хизматчи ҳамда аҳоли билан носоз ёки қўлбола усулда ясалган газ ва электр иситиш мосламаларидан тўғри фойдаланиш, ёнғинлар содир бўлганда бирламчи ёнғин ўчириш воситаларидан фойдаланиш бўйича тушунчалар берилиб, эслатма ва буклетлар тарқатилмоқда.

**Хайрулло МАВЛАНОВ,**  
Уйчи туман ФВ  
бўлими бошлиғи  
ўринбосари,  
майор.

## АЭРОПОРТДА СЕМИНАР

ФВВ Бошланғич тайёргарлик ва малака ошириш маркази педагог ўқитувчилари ва "Самарқанд халқаро аэропорти" МЧЖ тегишли хизмати ишчи-ходимлари билан "Фавқулодда вазиятларда ҳаракат қилиш ва фуқаро муҳофазасини таъминлаш" мавзусида семинар машғулот ўтказилди.



Унда аэропорт ҳудудини фавқулодда вазиятлардан муҳофаза қилиш соҳасида ваколатларга эга бўлган ёки ушбу соҳада мажбуриятлар юкланган республика ва маҳаллий ижро этувчи ҳокимият органлари ҳамда бошқа ташкилотларнинг таркибий бўлинмалари, куч ва воситалари ҳаракатлари, фавқулодда вазият рўй берганда жабрланганларга биринчи тиббий ёрдам кўрсатиш бўйича тавсиялар берилди.

Семинар машғулотларида ривожланган мамлакатларда соҳа ходимларининг фаолияти, халқаро тажрибалар ва замонавий техник асбоб-анжомлар акс эттирилган видеолар намойиш этилди.

**Ш.АҲМЕДОВ,**  
ФВВ БТ ва МОМ  
цикл бошлиғи, подполковник.

## HUQUQBUZARLIK PROFILAKTİKASI

FVV Maxsus muhandislik-qurilish boshqarmasi shaxsiy tarkibi, Muhandislik muhofaza va qurilish-tiklash ishlari bosh boshqarmasi boshlig'i polkovnik N.Saidov, vazirlik Ma'naviy-ma'rifiy va tarbiyaviy ishlar boshqarmasi mas'ul xodimi adliya podpolkovnigi D.Roziqov, vazirlik Shaxsiy xavfsizlik boshqarmasi mas'ul xodimlari ishtirokida "Huquqbuzarliklar profilaktikasi" kuni munosabati bilan "Harbiy xizmatni o'tash tartibiga qarshi jinoyatlar" va "Korrupsiya - taraqqiyot kushandasi" mavzularida profilaktik tadbir tashkil etildi.



Yig'ilish davomida harbiy xizmatchi va xizmatchilar tomonidan sodir etilayotgan huquqbuzarlik va jinoyatchiliklar tahlili hamda yo'l qo'yilayotgan kamchiliklar to'g'risida suhbat olib borildi.

**Sh.KARIMOV,**  
FVV Shaxsiy xavfsizlik boshqarmasi  
xodimi, adliya mayori.

## “BEFIT RACE-2023” ФОЛИБЛАРИ АНИҚЛАНДИ

Мамлакатимизда ҳар йили ўтказиб келинаётган “BEFIT RACE” мусобақаси бу йил ҳам Тошкент вилоятининг “Амирсой” дам олиш масканида 12 мамлакатдан ташриф буюрган 400 дан ортиқ яккалик ҳамда жамоавий таркибдаги иштирокчилар ўртасида ўтказилди.



Спортчиларнинг чидамлилиги, чақонлиги ва тезкорлигини аниқлаб берувчи мазкур “BEFIT RACE” мусобақаси “Sprint”, “Eliit”, “Team sprint” йўналишлари бўйича якка ва жамоавий таркибда

ташкил этилди. Қизгин ва муросасиз кечган беллашувларда “Team sprint” йўналиши бўйича 12 мамлакатнинг 35 та терма жамоаси иштирок этди.

Мусобақада ФВВ Академияси ҳарбий хизматчиси капитан Рустам Чориев бошчилигидаги Фавкуллода вазиятлар вазирлиги ва “Аҳмат” спорт клуби жамоаси ҳам муносиб иштирок этиб, 1-ўринни қўлга киритди. 2-ўринни “Ahmat tigers” жамоаси эгалланган бўлса, 3-ўрин “Викадум” жамоасига насиб этди.

Мусобақа якунида ташкилотчилар томонидан фолиб ва совриндорларга медаль, сертификат, пул мукофотлари ҳамда эсдалик совғалари тантанали топширилди.

**Фарҳоджон ХОЖАЕВ,**  
ФВВ Академияси катта ўқитувчиси, майор.

Сурхондарё вилояти Шеробод тумани ФВ бўлими томонидан ФВДТ ҳудудий ва қуйи тизимлари бошқарув органларининг куч ва воситалари билан ҳамкорликда Шеробод цемент заводида амалий ўқув-тактик машғулотлари ўтказилди.

Тадбир давомида ишчи-ходимларнинг ёнги ва бошқа тусдаги фавкуллода вазиятларда тўғри

## АМАЛИЙ САБОҚ



ҳаракатланишга оид билим-малакалари синовдан ўтказилди.

**Ж.ЖЎРАЕВ,**  
Сурхондарё вилояти ФВБ ЖТ ва ОАВБХҚГ бошлиғи, капитан.

## TADBIR

Shuningdek, is gazidan zaharlanishning oldini olish, gaz-havo aralashmasining chaqnashi va yong'inlarning kelib chiqishiga yo'l qo'ymaslik, zilzila, sel kelishi, qor ko'chishi, kuchli shamol esishi bi-

lan bog'liq favqulodda vaziyatlarda aholini xavfsiz joylarga ko'chirish, faqulodda vaziyat

oqibatlarini bartaraf etish to'g'risida tushuntirish ishlari amalga oshirilib, ichki suv quduqlari ko'zdan kechirildi hamda tadbir qatnashchilarining savollariga batafsil javoblar berildi.

**G'ayrat ORTIQOV,**  
Olmazor tumani FV bo'limi PvaNB inspektori, kapitan.



Наманган вилояти Норин туманида “Ўта хавфли юқумли куйдирги касаллигининг кириб келиши ва тарқалишининг олдини олиш” мавзусида махсус-тактик ўқув машқи ўтказилди.

## ЎҚУВ МАШҚИ

Тадбир давомида “Куйдирги касаллигининг этиологияси, эпидемиологияси, эпизоотологияси, қиёсий ташхиси, клиникаси, даволаш усуллари ва профилактикаси” мавзусида мутахассислар томонидан маърузалар қилинди, иштирокчиларни қизиқтирган саволларга атрофлича жавоблар берилди.

Шунингдек, машқ доирасида касалликка гумон қилинган беморни аниқлаш, ташхис қўйиш, алоҳидалаш ва даволаш-



профилактика муассасаларига эвакуация қилиш тадбирлари амалга оширилди.

Машқ якунида йўл қўйилган хато ва камчиликлар ҳамда уларни бартираф этиш юзасидан мутасаддиларга зарур кўрсатма ва тавсиялар берилди.

**Анваржон АБДУЛЛАЕВ,**  
Наманган вилояти ФВБ бўлим бошлиғи, подполковник.

## KO'RGAZMALI TARZDA

FVV Boshlang'ich tayyorgarlik va malaka oshirish markazida “G'avvoslik tayyorgarligi” fanidan suvda qidiruv-qutqaruv ishlarini tashkil qilish, jabrlanganlarni olib chiqish va birinchi tibbiy yordam ko'rsatish” mavzusida ko'rgazmali mashg'ulot o'tkazildi.

Tadbir davomida tinglovchilar sho'ng'ish ishlarini ta'minlovchi vositalardan to'g'ri foydalanish, suv ostiga tushib, shartli ravishda yashirilgan predmetni qidirib topish ishlarini olib borishdi. Qolaversa, cho'kayotgan insonni suvdan olib chiqib, birinchi tibbiy yordam ko'rsatish ishlari o'rgatildi.

**N.ATAKULOV,**  
FVV BTvaMOM siki katta o'qituvchisi, mayor.



## ТАЙЁРГАРЛИК

Сурхондарё вилоятида куз-қиш мавсумига тайёргарлик тадбирлари доирасида ФВДТ ҳудудий ва қуйи тизимлари бошқарув органларининг куч ва воситаларини жалб қилган ҳолда ўқув машқлари ўтказилмоқда.

Хусусан, Қумқўрғон туманидаги “Муборак” магистрал газ қувурлари бошқармаси “Қумқўрғон газ ишлатиш хизмати” корхонасининг газ тақсимлаш шоҳобчаси ва “Худудгаз Сурхондарё” газ таъминоти филиалига



қарашли “Хайрабод Денов” газ тўлдириш станцияси ҳамда “Деновтумангаз” газ таъминоти бўлимида ташкил этилган ўқув машқлари давомида ишчи-ходимларнинг фавкуллода вазиятлар-

да ҳаракатланишга оид билимлари янада мустаҳкамланди.

**Ж.ЖЎРАЕВ,**  
Сурхондарё вилояти ФВБ ЖТ ва ОАВБХҚГ бошлиғи, капитан.

Самарқанд вилояти “Jomboy don” AJda FVV Boshlang'ich tayyorgarlik va malaka oshirish markazi kasbiylashtirilgan yong'in-qutqaruv qismi yo'riqchi-qutqaruvchilari ishtirokida “Don mahsulotlarini saqlash va qayta ishlash korxonalarida yong'in o'chirish” mavzusida amaliy mashg'ulot bo'lib o'tdi.

## НАМКОРЛИК

Mashg'ulot davomida don mahsulotlarini saqlash, korxonalarda yong'in xavfsizligini ta'minlash, turli tuskdagi favqulodda vaziyatlar va yong'inlarning oldini olish ishlarini tashkil etish, “Yong'in holatini aniqlash”, “Yong'indan odamlarni qutqarish”, “Yong'inda hal qiluvchi yo'na-

lishlarni to'g'ri tanlash” hamda “Yong'in o'chirish rahbarining harakatlari” kabi mavzularda ma'ruzalar tashkil qilindi.

**N.ATAKULOV,**  
FVV BTvaMOM katta o'qituvchisi, mayor. O.RO'ZIMURODOV, katta o'qituvchi, podpolkovnik.

Olmazor tumani hokimligida hokim o'rinbosari A.Abdurahmonov, FVV mas'ul xodimi V.Ashermatov, tuman FV bo'limi boshlig'i podpolkovnik Sh.Ibragimov boshchiligida FVDTga kiruvchi tashkilotlar ishtirokida kuz-qish mavsumini talafotlarsiz o'tkazish, yong'in va boshqa tUSDagi favqulodda vaziyatlar yuz berganda bartaraf qilishga oid tadbirlar muhokama qilindi.

## SEMINAR



Яккасарой тумани ҳудудидаги ташкилот ва идораларда, ижтимоий объектларда, савдо мажмуалари ва бозорларда тарғибот тadbirlari ўтказилмоқда.

## БАРЧАМИЗ МАСЪУЛМИЗ!

Шундай тadbirlar доирасида Тошкент шаҳар каналларидан фойдаланиш ва уларга туташ ҳудудларини ободонлаштириш бошқармаси томонидан Бўрижар канали қирғоғида қуриган ўтларни тозалаш ишлари олиб борилмоқда. Шунингдек, тумандаги "Боғсарой", "Конституция", "Муҳандислар", "Тўқимачи" МФЙлари фаоллари ва аҳоли иштирокида ёнғин-қутқарув техникалари ва асбоб-анжомларининг намоиши ўтказилди.

Тadbirlarда мутахассислар томонидан болаларни назоратсиз, дазмол каби электр ускуналарни қаровсиз қолдириш жиддий талафотларга олиб келиши, бу каби ҳолатларнинг олдини олиш учун техника ва ёнғин хавфсизлиги қоидаларига амал қилиш лозимлиги тушунтириб ўтилди.

Ўлмас  
МУҲАМЕДЖАНОВ,  
Яккасарой тумани ФВ бўлими бошлиғи,  
подполковник.

FVV Maxsus vazifalar bo'yicha respublika qutqaruv markazi shaxsiy tarkibi shahar FV bo'limi hamda tegishli tashkilotlar xodimlari hamkorligida Chilonzor tumanida joylashgan "MAGIC CITY" oilaviy bog'idagi madaniy va ommaviy tadbirlar o'tkaziladigan obyektlarda yong'in xavfsizligini ta'minlash va boshqa tUSDagi favqulodda vaziyatlarning oldini olish bo'yicha maxsus-taktik o'quv mashqi o'tkazildi.

## "MAGIC CITY" DA

### MASHQ



Unda jabrlanganlarni xavfsiz joyga olib chiqish, birinchi tibbiy yordam ko'rsatish, yong'inlarning oldini olish, avariya oqibatlarini bartaraf etish hamda to'g'ri harakat qilish bo'yicha amaliy harakatlar bajarildi.

FVV matbuot xizmati.

Shuningdek, is gazidan zaharlanishning oldini olish, gaz-havo aralashmasining chaqnashi, zilzila, sel kelishi, kuchli shamol esishi bilan bog'liq favqulodda vaziyatlarda aholini xavfsiz joylarga ko'chirish, jarohtlanganlarni xavfsiz binolarga qabul qilish xususida so'z yuritildi.

Tadbir yakunida mutaxassislar tomonidan ishtirokchilarning savollariga javob berildi.

Jamshid PO'LATOV,  
Olmazor tumani FV  
bo'limi boshlig'i  
o'rinbosari,  
podpolkovnik.

## MAXSUS O'QUV

Mashg'ulotlar rejasiga asosan, belgilangan o'quv nuqtalarida tuman fuqaro muhofazasi xizmatlarining doimiy tayyorgarlikdagi tuzilmalari tomonidan sodir bo'lgan avariyalarni bartaraf etish, yong'inlarni o'chirish, birinchi tibbiy yordam ko'rsatish hamda fuqarolarni evakuatsiya qilish bo'yicha harakatlar amalga oshirilmoqda.

Farg'ona viloyatida mustaqillik bayrami tadbirlarini o'tkazish davrida xavfsizlikni ta'minlash va favqulodda vaziyatlarning oldini olish, sodir bo'lganda oqibatlarini qisqa fursatlarda bartaraf etish yuzasidan FVDTga kiruvchi xizmatlar bilan hamkorlikda profilaktik tadbirlar va maxsus-taktik o'quv mashg'ulotlari o'tkazilmoqda.



Farg'ona viloyati FVB axborot xizmati.

## ДОВОНДА ОБОДОНЛАШТИРИШ



Юртимизда эълон қилинган "Ободонлаштириш ойлиги" доирасида "Қамчиқ" махсус қидирув, ёнғин-қутқарув бошқармаси ҳудудида ва доводда жойлашган масканларда бино ва иншоотларни жорий таъмирлаш, ободонлаштириш, кўкаламзорлаштириш ишлари амалга ошириб келинмоқда.

Жумладан, қутқарув отряди биноти атрофида цемент куйиш, дарахтларни суғориш, деворларни бўяш ва янги ниҳолларни экиш ишлари олиб борилмоқда.

Б.ҚУРБОНОВ,  
"Қамчиқ" МҚКҚБ ҚО командири,  
майор.

## G'AVVOS-QUTQARUVCHILAR MAHORATI OSHIRILMOQDA

Toshkent viloyati FVB tomonidan Mudofaa vazirligi xodimlari bilan hamkorlikda viloyatning Bo'stonliq tumani "Chorvoq" suv ombori hududida vertolyotdan suvga sakrash bo'yicha g'avvos-qutqaruvchilar bilan amaliy mashq o'tkazildi. Unda g'avvos-qutqaruvchilar 30 metr balandlikdagi vertolyotdan suvga sakrab, 500 metr masofaga suzib borish ishlarini amalga oshirdi.

Mazkur mashqni o'tkazishdan maqsad qutqaruvchilarning ruhiy va jismoniy tayyorgarligini yanada oshirish, ularni turli xil ekstremal vaziyatlarda tezkorlik bilan qaror qabul qilishga o'rgatishdan iboratdir.

FVV matbuot xizmati.





Тошкент шаҳар ФВБ "Восток" давлат илмий-ишлаб чиқариш бирлашмаси давлат унитар корхонасида ёнғин хавфсизлигини таъминлашни ташкил этиш бўлинмаси мутахассислари

Сергели туманидаги "Шукрона" маҳалласида бўлиб, маҳалла фаоллари ва аҳоли билан фавқулдда вазиятларда ҳаракат қилиш, ёнғин хавфсизлигини таъминлаш бўйича профилактик тадбир ўтказдилар.

## ХАВФСИЗЛИК ЙЎЛИДА

Тадбир давомида ходимлар томонидан фуқароларга ёнғинларнинг олдини олиш, ёнғин хавфсизлиги қоидаларига амал қилиш ва бирламчи ўт ўчириш воситаларидан фойдаланиш тартиби бўйича зарур тавсия ҳамда тушунчалар берилди.

Жаҳонгир УРМАШЕВ,  
Тошкент шаҳар ФВБ "ВОСТОК" ИИЧБ ДУК  
ЎХТТЭБ мутахассиси, катта сержант.

## ЭЪТИБОРЛИ БЎЛАЙЛИК!

Ёнғин-қутқарув хизмати ходимлари томонидан жойларда ёнғин ва бошқа тусдаги фавқулдда вазиятларнинг олдини олиш, содир бўлганда оқибатларини бартараф қилиш юзасидан бир қатор тарғибот тадбирлари амалга ошириб келинмоқда.

Тадбирлар давомида аҳоли, давлат ва жамоат ташкилотларида фаолият юритаётган ишчи-хизматчиларга ёнғин ва бошқа тусдаги фавқулдда вазиятлар билан боғлиқ ҳолатлар таҳлил қилинган ҳолда, бу борадаги билимлари янада мустаҳкамланмоқда. Шунингдек, иштирокчиларга ёнғин ва бошқа тусдаги фавқулдда вазиятларда тўғри ҳаракатланишга оид

эслатма ва буклетлар тарқатилмоқда.


Унутманг! Заррагина эътиборсиз ёки лоқайдлик бир умрлик тузатиб бўлмас хатоларга олиб келиши муқаррар. Шунинг учун ёнғин хавфсизлиги қоидаларига қатъий амал қилинг!

Қ.РИХСИЕВ,  
Тошкент шаҳар ФВБ  
Медиа марказ ДМ  
ЎХТТЭБ инспектори,  
майор.

Фирибгарлик ўзганинг мулкани ёки мулкка бўлган ҳуқуқини алдаш ёки ишончли суиистеъмол қилиш йўли билан ҳақ тўламай эгаллашда ифодаланиб, бунинг таъсирида мулк эгаси ёки бошқа шахс ёхуд ваколатли ҳокимият органи мулкни ёки унда бўлган ҳуқуқни бошқа шахсга беради, ёнки ушбу мулк ёки унга бўлган ҳуқуқнинг бошқа шахс томонидан олиб қўйилишига имконият беради.

Жиноят кодексининг 168-моддаси диспозициясига мувофиқ фирибгарликда алдаш деганда, айбдор томонидан билиб туриб, ҳақиқатга тўғри келмайдиган ёлгон маълумотлар хабар қилиниши ёки иш ҳолати бўйича мулк

эгаси ёки бошқа шахсга маълум қилиниши лозим бўлган ҳақиқий фактларни яшириш ёхуд мулк эгаси ёки бошқа шахсни янглиштиришга қаратилган қасддан содир этилган ҳаракатлар тушунилади.



Фирибгарликда жабрланувчини янглиштиришга қаратилган қасддан содир этиладиган ҳаракатлар жумласига, масалан, битим ёки тўлов предметини сохталаштириш, қимор ва таваккалчиликка асосланган бошқа ўйинларни ўйнаш чоғида алдов услулари қўллаш ва ҳ.к. киради.

Фирибгарликда ишончли суиистеъмол қилиш деганда, айбдор томонидан мулк эгаси ёки мулкни учинчи шахсларга бериб юбориш тўғрисида қарор қабул қилишга ваколатли бўлган бошқа шахслар билан бўлган ишончли муносабатлардан ғаразли мақсадларга фойдаланиши тушунилади лозим. Ишончга турли ҳолатлар, масалан, айбдор шахс-

## TUSHUNTIRISH

Olmazor tumani FV bo'limi boshlig'i podpolkovnik Sh.Ibragimov tomonidan Davlat xavfsizlik xizmatining markaziy hospitali rahbariyati va hamshiralari, ishchi-xizmatchilariga kuz-qish mavsumini talafotlarsiz o'tkazish, favqulodda vaziyat hamda yong'in yuz berganda bartaraf qilish usullari, is gazidan zaharlanishning oldini olish, gaz-havo aralashmasining chaqnashi va yong'inlarning kelib chiqishiga yo'l qo'ymaslik tushuntirildi.



Shuningdek, zilzila, sel kelishi, qor ko'chishi, kuchli shamol esishi bilan bog'liq favqulodda vaziyatlarda aholini xavfsiz joylarga ko'chirish, yong'inlarning kelib chiqishiga yo'l qoymaslik, sodir bo'lgan favqulodda vaziyat oqibatlarini bartaraf etish, favqulodda holatlar, xususan, zilzilalar vaqtida tezkor choralar ko'rish kerakligi aytib o'tildi.

Tadbirda qatnashchilarning savollariga javob berildi.

Muzaffar  
MURODOV,  
Olmazor tumani  
FV bo'limi PvaNB  
inspektori.

## BEPARVOLIK – TASHVISH

FVV Boshlang'ich tayyorgarlik va malaka oshirish markazi hamda viloyat IIB YNHB hamkorligida "Avtotransport vositalaridan foydalanish va boshqarish hamda huquqbuzarliklarning oldini olish va yo'l harakati qoidalariga qat'iy rioya etish", "Yo'l qoidasi – umr foydasi" mavzularida o'quv seminar mashg'uloti tashkil etildi.



Shahrisabz tuman FV bo'limi xodimlari tomonidan mahalla fuqarolar yig'inlari, tibbiyot birlashmasiga qarashli davolash muassasalari, aholi ko'p to'planadigan maskanlar, bozorlar, savdo majmualarida, korxonalar va tashkilotlarda yong'in o'chirish asbob-anjomlarining ko'rgazmasi namoyish qilinmoqda.

Shuningdek, tuman Sanitariya-epidemiologiya bo'limi, Veterinariya xizmati, Obodonlashtirish boshqarmasi hamda boshqa mutasaddi xizmatlar bilan hamkorlikda aholi orasida o'ta xavfli yuqumli kasalliklar bilan bog'liq holatlarning oldini olish bo'yicha profilaktik tadbirlar, seminar, davra suhbatlari tashkil etilmoqda.

A.RAHMATULLAYEV,  
Shahrisabz tuman FV bo'limi  
bo'linma boshlig'i, kapitan.

A.OMANQULOV,  
PvaNB katta inspektori,  
kapitan.

Бугунги кунда ёнғин-қутқарув хизмати ходимлари томонидан жойларда қатор профилактик тадбирлар амалга ошириб келинмоқда.

## ТАЛАБ ВА ҚОИДАЛАР

Тадбирлар давомида иштирокчиларга ёнғин ва бошқа тусдаги фавқулдда вазиятлар, улар юзага келганда тўғри ҳаракатланиш қоидалари тушунтирилиб, газ ва электр мосламаларидан ёнғин ҳамда техника хавфсизлиги талабларига қатъий риоя қилган ҳолда фойдаланиш борасидаги муҳим талаб-қоидалар яна бир карра эслатилмоқда.

Бу каби тадбирларни жойларда ташкил қилиш, аҳолига, давлат ҳамда жамоат ташкилотлари ишчи-ходимларига ўзи ва яқинларини, хонадонларини ёнғин ва бошқа тусдаги фавқулдда вазиятлардан муҳофаза қилиш қоидаларини ўргатиш кутилмаган вазиятлар юзага келишининг олдини олишда асосий омиллардан ҳисобланади.

Шундай экан, бу борада ҳар биримиз огоҳ ва хушёр бўлишимиз, ёнғин ва техника хавфсизлиги қоидаларига қатъий амал қилишимиз лозим.

Т.ТОШПЎЛАТОВ,  
Тошкент шаҳар ФВБ  
Медиа маркази ЎХТТЭБ  
мутахассиси, оддий  
аскар.

Рустамжон РАҲМОНОВ,  
жиноят ишлари  
бўйича Миробод  
туман судининг судьяси.

**О'QITISH ISHLARI**

Qarshi tumani FV bo'limi tomonidan tuman hududi bo'ylab 7 ta manzilda targ'ibot tadbirlari va 3 ta aholi ko'p to'planadigan joyda o'quv-amaliy mashg'ulotlari o'tkazildi.

Jumladan, "KHILALTEX" MCHJ paxtani qayta ishlash zavodida o'tkazilgan targ'ibot tadbirida 200 nafarga yaqin ishchi-xizmatchiga obyekt hududida yong'in xavfsizlik qoidalariga rioya qilish, ish joyi yoki yashash xonadonida elektr qurilmalari, gaz uskunalarini qarovsiz qoldirmaslik lozimligi tushuntirildi.

Tadbir davlat arxivi tuman bo'limi ishchi-xizmatchilari ishtirokida davom ettirilib, eslatma va bukletlar tarqatildi. Shuningdek, birlamchi yong'in o'chirgichlardan foydalanish tartibi amalda bajarib ko'rsatildi.

**Sohibjon VAYITOV,**  
Qashqadaryo viloyati FVB Axborot xizmati rahbari, mayor.  
**Azizbek ABDUMALIKOV,**  
Qarshi tumani FV bo'limi bo'linma boshlig'i, katta leytenant.

**ДОВОН КУЗ-ҚИШ МАВСУМИГА ТАЙЁРМИ?**

2023-2024 йил куз-қиш мавсумида "Қамчиқ" доводнида транспорт воситаларининг хавфсиз ҳаракатлишини таъминлаш бўйича Республика ишчи гуруҳи аъзолари иштирокида объектларнинг фавқулодда вазиятларга тайёргарлик ҳолати ўрганиб чиқилди.



Ўрганишлар давомида доводнида хизмат олиб бораётган йўл бўлимлари ва уларнинг машина-механизмлари, автомобиль ҳамда темир йўлидаги геологик ва гидрометеорологик хавфли участкаларда амалга оширилаётган муҳандислик-химия тadbirlарининг ҳолати, қишки қаров учун қум-туз аралашмасининг захираси, ҳудудий электр тармоқларининг махсус авария-тиклаш бўлимларининг мавсумга тайёргарлиги, уяли алоқа воситаларининг ишчи ҳолати ва яна қатор жиҳатларга асосий эътибор қаратилди.

**М.МИНГБОЕВА,**  
"Қамчиқ" МҚКБ  
ХваЖТТЭБ бошлиғи,  
кичик сержант.

Shahrisabz shahar FV bo'limi, gaz va elektr idoralari xodimlari hamkorligida mahallalarda profilaktik ishlar olib borilmoqda.

**О'RGANISH**

Ushbu tadbirlarda gaz va elektr moslamalarini to'g'ri ishlatish, ta'mirlab isitish pechlarini soz holga keltirish, gazni rezina uzatkichlar orqali o'zboshimchalik bilan boshqa joylarga ulab olmaslik, qo'lbola isitish pechlaridan foydalanmaslik kabi tartib-qoidalar tushuntirilib, kerakli ko'rsatmalar berilmoqda.

Shahardagi ko'p qavatli uylarga boriladigan yo'llarga temir-beton to'siqlar o'rnatilgan bo'lib, joylardagi bunday to'siqlar olib tashlandi.

**Ulug'bek SHARIPOV,**  
Shahrisabz shahar FV bo'limi boshlig'i  
o'rinbosari podpolkovnik.

**QOIDALARGA AMAL QILING!**

Dehqonobod tumanidagi Bolalar musiqa va san'at maktabida MFY raislari, hokim yordamchilari, xotin-qizlar faollari va yoshlar yetakchilari ishtirokida "Mahalla fuqaro muhofazasi tuzilmasi faoliyatini tashkil etish", "Zilzila vaqtida to'g'ri harakat qilish tartibi", "Is-gazi va chaqnashlar, botulizm va ovqatdan zaharlanish hamda yuqumli kasalliklar tarqalishining oldini olish" kabi mavzularda davra suhbatlari o'tkazildi.

Tadbir ishtirokchilariga doimiy ravishda MFYlarda xavfsizlikni ta'minlash bo'yicha targ'ibot-tashviqot ishlari, maxsus-taktik o'quv mashqlari o'tkazilayotganligi va ushbu tadbirlarda faol ishtirok etish lozimligi ta'kidlandi.

**Bobur SHERALIYEV,**  
Dehqonobod tumani FV bo'limi bo'linma boshlig'i, kapitan.

**МАСКАН МАШҒУЛОТИ**

"Ўзбекнефтгаз" АЖ Мароқанд Нефтбаза Жомбой филиалида ФВВ Бошланғич тайёргарлик ва малака ошириш маркази тингловчилари билан амалий машғулот ўтказилди.

Машғулот давомида тингловчилар руҳий тайёргарлик йўлакчасида белгиланган вазифаларни бажариб, газниқоблардан фойдаланган ҳолда тутун ичидан ўтиш, ўқув миносига кўтарилиш ва яна қатор ҳаракатларни амалга оширдилар.

Табири якунида йўл қўйилган хато ва камчиликлар муҳокама қилиниб, тингловчиларнинг бажарган ишлари баҳолаб борилди.

**О.РЎЗИМУРОВОВ,**  
ФВВ БТваМОН цикл катта ўқитувчиси, подполковник.  
**В.РАҲМОНОВ,** майор.

**УЛУФ АЙЁМ ОЛДИДАН**

Боғот тумани ФВ бўлими ходимлари томонидан байрам тантаналари бўлиб ўтадиган объектларнинг ёнғин ва бошқа тусдаги фавқулодда вазиятларга тайёргарлик ҳолати ўрганиб чиқилмоқда.

Ўрганишлар давомида аниқланган камчиликлар мутасадди ташкилотларни жалб қилган ҳолда жойида бартараф қилинмоқда.

Туман ҳудудида мустақиллик байрами арафасида янгидан қурилиб фойдаланишга топширилган объектларнинг ҳам лойиҳа ҳужжатларида кўрсатилган

ёнғинга қарши талабларнинг бажарилишига эътибор қаратилмоқда.

**Ш.ХУДАШУКУРОВ,**  
Боғот тумани ФВ бўлими бошлиғи,  
подполковник.  
**С.ДУШАМБОВЕВ,**  
бўлим инспектори, оддий аскар.

**МАВСУМГА ШАЙЛИК**

Халқимизда ўт балосидан асрасин, деган доно нақл бор. Ўтган 2022 йилнинг ўтган 12 ойи давомида Тошкент шаҳар ҳудудида 800 дан ортиқ ёнғин содир бўлиб, ушбу ёнғинларнинг асосий қисми аҳоли яшаш секторига тўғри келган.



Бу каби ҳолатларнинг юзага келмаслиги учун ҳозирда жойларда профилактик тadbirlар ўтказиб келинмоқда. Тadbirlар давомида ёнғин ва бошқа тусдаги фавқулодда вазиятларнинг олдини олиш тadbirlарининг ҳолатига алоҳида эътибор қаратилиб, аниқланган камчиликлар жойида бартараф этиб борилмоқда.

Амалга оширилаётган ушбу тadbirlардан мақсад битта, у ҳам бўлса, куз-қиш мавсумини беталофат ўтказиш, ёнғин ва

бошқа тусдаги фавқулодда вазиятларнинг олдини олишдир.

Нафақат соҳа мутахассислари, балки барча юртдошларимиздан мазкур тadbirlарда фаол иштирок этишни сўраб қоламиз.

Огоҳ бўлинг, ўзингиз ва яқинларингиз ҳаётини хавф ос-тида қолдирманг!

**Нодирбек ҚЎЧҚОРОВ,**  
Юнусобод тумани  
ФВ бўлими инспектори,  
катта лейтенант.

**ШОХ-ШАББАЛАРНИ ЁҚМАНГ!**

Олмалик шаҳар ФВ бўлими ходимлари томонидан ёнғинларнинг олдини олиш борасида қатор чора-tadbirlар амалга оширилмоқда.

Жорий йилнинг ўтган даври мобайнида шаҳримизда 23 та ёнғин содир бўлди. Уларнинг 4 таси қуриган ўт ва шох-шаббалар ёқиши оқибатида юзага келган. Шу боис, халқ ҳужалигининг турли тармоқларида, шунингдек, саноат корхоналарида, билим юртлари, мактаб, боғча ва аҳоли турар жойларида ёнғинларнинг олдини олиш учун режали текширувлар ўтказилмоқда.

Ушбу хайрли ишларга маҳалла оқсоқоллари, кенгаш раислари, ташкилот, муассаса, корхона раҳбарлари ва барча фуқароларни жалб этиш, ҳамкорликда тизимли ишларни ташкил қилиш муҳим вазифалардан саналади.

**Шаҳзод ШЕРҚУЛОВ,**  
Олмалик шаҳар ФВ бўлими катта инспектори, катта лейтенант.



